

Horologium Spirituale Scholasticorum Societatis Jesu

Dirckinck, Johann

[Osnabrug, 1696]

Communicandi vel sacrum celebrandi.

Nutzungsbedingungen

[urn:nbn:de:hbz:466:1-55025](#)

♣ (109) ♣

§. II.

PRAXIS I.

Comunicandi vel sacrū celebrandi.

Accede tanquam miles inermis ad
belli ducem.

I. **D**omine JESU Christe, Rex meus & Dux invictissime! Tu me licet indignum, ex gratia singulari vocasti, de mundo ad Religionem, de tenebris in admirabile lumen tuum, ut in Societate tua sub sanguineo crucis Labaro tibi strenue militarem. Cum verò me undique inerem deprehendam, atque ita malè munitum, ut tutò in campum prodire nequeam, ad te Duce meum, in Venerabili Sacramento absconditum, supplex venio, ut armis cœlestibus me instruere & communiire digneris.

II. Indue ergo me, Imperator invictissime armaturam Dei, nt possim stare adversus insidias Diaboli. ad Ephes. 5. Non enim est nobis collectatio adversus carnem & sanguinem, seu homines visibiles, carne & sanguine constantes; sed contra spiritus invisibiles, nec solùm ex infimo choro

pre⁹

præcipitatos, sed & adversus principes &
potestates, adversus mundi Rectores ten-
brarum harum. Dignare igitur me baltheo
seu cingulo militari circumdare ; ut stem
succinctus lumbos in veritate (v. 14.) eoque
Sacramenti militaris, & fidelitatis, quam
tibi, tam in baptismo, quam Societatis in-
gressu juravi, identidem ad monear.

III. Præterea, indue me, ô Rex poten-
tissime ! *loricam iustitiae*, omnium virtu-
tum complexione munita, ut bello offen-
sivo & defensivo acres hosti plagas infli-
gere valeam. Et ne fortè offendam ad la-
pidem pedem meum, *calcea pedes meos in*
præparatione Evangelii pacis (vers. 15.)
ut alacriter Evangelium annunciem, ac
peccatores & Hæreticos convertere va-
leam. Jube me quoq; , *in omnibus sumere*
scutum fidei. (v. 16.) *in quo possim omnia*
tela nequissimi ignea extinguere.

IV. Ne verò trepidem & formidem, ob
hostium multitudinem & potentiam, ô
Bellator fortissime ! Conuge obsecro, ca-
put meum, *Galea salutis* (v. 17.) & spem
mihi firmam impertire: hac enim munitus,
animum erigam : & si consistant adversum
me

vel communicandi.

III

me castra, non timebit cor meum: si exsur-
gat adversum me prælium, in hoc ego spera-
bo., psal. 26. Maximè si addideris quoque
gladium spiritus (v. 17.) quod est verbum
Dei, quo, armatus, mundum, carnem Dæ-
monem, omnésq; hostes me oppugnantes
animosè confodiam. — Elicitâque fide
vivâ, ac desiderio, & humilitate ad Regem
tuum liberalissimum confidenter accede.

Post communionem vel sacram.

Prestat Christo, corde recepto, ex corde
quodammodo bulliente in affectus arden-
tes, quos Spiritus & devotio suggerit,
erumpere; quam mox aliquid è Libello pio
leggere. Elice ergo hos affectus. 1. Fidem.
Tu es Christus Filius Dei vivi. 2. Humili-
tatem. Unde hoc mihi ut Dominus &
Rex meus ad me & vile tentorium cordis
mei veniat. 3. Adorationem. 4. Gratiarum
actionem. 5. Charitatem. Offerendo te
ipsum & omnia. 6. Petitionem, necessa-
ria tibi postulando.



PRA-

S (112) S
PRAXIS II.

Celebrandi, vel communicandi.
Accede ad Christum, tanquam infirmus
ad medicum vitæ. S. Thomas Aquin.
in orat. de Euchar.

I. Ostende vel expone morbum tuum.

OMnipotens sempiterne Deus: ecce
accedo ad Sacramentum unigeniti
Filii tui D.N. Jesu Christi: accedo tanquam
infirmus ad medicū vitę; & medelam unici
desidero ô cœlestis Samaritane! ecce quo
morbis vitiorum afflicitus jaceo. Nam ecce
languent aures & oculi curiositatis vitio;
languet lingua & os gulæ & loquacitatis
morbo, languet cor amore proprio. Lan-
guet anima superbiæ & iræ febribus. Do-
mine si vis potes me sanare!

II. Actus spei de omnipotentia Medicis.

O cœlestis Thaumaturge: tu potens
in sermone, tantum dic verbo & sanabitur
anima mea. Potens es & in opere. Si tantum
tetigero, vivâ fide & fiducia, salvus ero:
enim hæmorrhœidam duodecim annos flu-
xu sanguinis laborantem solius fimbrię at-
tactu extemplo sanasti, quanto magis caro
& sanguis tuus me sanabit? Ah! sana ergo
me & sanabor.

III. Desiderium Adventus Medici.

Si infirmus medicum, si vulneratus chirurgum, tanto desiderio exspectat; quanto desiderio & sanctâ impatientia me ad te anhelare necesse est, qui undique vulneratus sum, totus langueo, & à planta pedis, usq; ad verticem non est in me sanitas? Ah! veni, veni! omnis mora longa est & periculosa!

IV. Humilitas.

Sed quomodo ausim appropinquare ad te, ô Divine Archiater, totus leprosus, totus paralyticus, aliisque fœdissimis morbis obnoxius. Domine non sum dignus &c.

Post sacrum vel communionem.

Elice affectus, in quos pauper infirmus pluribus morbis gravatus erumperet adveniente peritissimo Medico, in casam ejus.
1. Fidei. Si vis potes me juvare. 2. Spei. Paralyticum 38. annos in infirmitate habentem, mox sanasti, & me quoq; sanabis Domine. Mitte me ergò in piscinam pretiosi sanguinis tui, & hoc balneo pretioso me sana & ablue. 3. Adoratio. 4. Gratiarum actio. 4. Charitas & oblatio. 5. petitio.

(114)

PRAXIS III.

Celebrandi aut communicandi.
Accede ad Christum, tanquam immundus
ad fontem misericordiae. D. Thom,
in Orat.

I. Expone immunditiam tuam.

O Domine! Ecce in iniquitatibus conceptus sum: & licet sacrâ baptismi undâ ablutus fuerim, ego tamen me rursum in cloacam peccatorum voluntariè conjeci. Hinc immundus sum in omnibus. Immundus in corpore, quod est vas sondium & esca vermium: immundus in anima, propter tota vitia & peccata. Immundus in phantasia, ab impuris imaginacionibus: immundus in intellectu, à pravis cogitationibus: immundus in voluntate à terrenis affectibus, immundus in lingua in corde, in sensibus & potentiis omnibus. Ah! Domine lava me!

II. Humilitas.

Quomodo verò tam immundus & sondidus accedere audeo ad fontem omnipuritatis, & sanctitatis vię & patrię, hominum & Angelorum! à te enim omnipuritas & sanctitas omnium tanquam a-

infinito fonte scaturit. Exi à me Domine,
quia peccator sum & totus immundus,
aut si ad te venire jubes, amplius lava me
ab iniquitate mea.

III. Spes.

Confido in infinita bonitate, omnipotentiâ & fidelitate tua, me mundandum à te: tu enim promisisti: *Si fuerint peccata vestra ut coccinum, quasi nix dealbabuntur, & si fuerint rubra quasi vermiculus, velut lana alba erunt.* Isai. 1. Dealba ergò me in sanguine tuo! si enim aqua Jordanis lepram Naami abluere potuit, quantò magis, aqua lateris tui lavabit me, & super nivem dealbabor. Domine si vis potes me mundare.

Denique excita desiderium emundationis, pete, ut laveris in balneo sanguinis JESU & munderis ab omnibus peccatis minimis, etiam ab occultis & alienis, quô Jesus tuus munditiei fons & author in in domo cordis tui mundata & ornata libentiùs habitet & requiescat.

(116)

PRAXIS IV.

Celebrandi vel communicandi.
Accede ad Christum tanquam Cœcus ad
lumen claritatis æternæ.

S. Tho. in orat.

O Salvator mi, lux mundi, ego cum
cœco Jerichuntino, audiente, adve-
nire te, clamo : *JESU Fili David mis-
re mei!* Luc^e 18. & oculos meos aperi, ut
videam & cognoscam. 1. Summam vilita-
tem meam, & tuam maximam excellen-
tiam, & quâ ratione ad tantam Majesta-
tem recipiendam, me comparare debeam.
2. Ut videam summam debilitatem meam
& inconstantiam ac tuam omnipotentiam
& quâ omnem fiduciam in te collocari
debeam. 3. Ut videam cœcitatem meam
& luminis tui infiniti claritatem, ac quo-
modo à te illuminari valeam. 4. Ut videam
malitiam meam, & bonitatem tuam im-
mensam, & quâ ratione à te emendar
queam 5. Ut videam paupertatem meam
& divitias tuas inexhaustas, ac quomodo
ditar debeam.

Hos & alios affectus, fidei, spei, charitati
humilitatis, & desiderii, ac reverētię excita-

Po

Gere te instar pauperis cœci, qui ve-
niente in tuguriolum suum Rege poten-
tissimo, præ admiratione, gaudio, & reve-
rentia, initio nescit, quid dicere aut facere
oporteat. Tandem tamen, ubi se collegit,
Regē quām demississimè salutat, benevolè
excipit, omni meliore modo tractat, ac de-
niq; paupertatis ac cœcitatis suæ remediū
expetit. Hunc imitare & in similes affectus
erumpe. Ac post hæc cogita te audire ver-
ba Christi Domini ad cœcum Jerichun-
tinum prolata Luc. 18. *Respice: fides tua
te salvum fecit.* Et in spiritu dic:

O JESU Fili David! video & agnosco
vilitatem meam & dignitatem tuam.
Unde hoc mihi ut venias ad me? Ah! in
humilitate funda me! video ô Jesu! debi-
litatem & instabilitatem meam & è contrâ
potentiam & immutabilitatem tuam. Ah
firma me in te! Video tenebras & cœcta-
tem meam, ac lumen & claritatem tuam:
Ah illumina me! Video perversitatem &
malitiam meam, ac rectitudinem & boni-
tatem tuam. Ah corrige me! Video indi-
gentiam meam & opulentiam tuam, ah di-
ta me! emenda me, accende me, ut laudem
te dignius & hinc & in æternitate. Amen.

P R A X I S V.

Celebrandi vel communicandi.
Accede ad Christum Eucharisticum, tan-
quam pauper & egenus ad Dominum
cœli & terræ. D. Tho. in orat.

Instar mendici cœlestis Hierosolyma
plateas circui & à SS. Trinitate, reliquisq;
cœli principibus ditissimis stipem corroga-

I. Ad SS. TRINITATEM!

O Pater cœlestis ! ecce mendicus &
pauper sum ego : quare ante thronum
majestatis tuę prostratus peto suppliciter;
ut dones mihi Filium tuum in sanctissima
Eucharistia , cum illo , pro modulo meo,
affetu & cœlestium donorum copiâ, cum
qua eum dedisti Beatissimę Virgini Marię
in Christi Domini incarnatione. O Fili
Dei altissime ! communica te mihi in san-
ctissima Eucharistia , cum eo affetu &
cœlestium gratiarum plenitudine, cum
qua te communicâsti matri tuaę in tua in-
carnatione. O Spiritus sanctissime ! præ-
para me ad SS. Eucharistię receptionem,
sicut præparâsti corpus & animam Beatissimę
Virginis ad Christi Domini conce-
ptionem,

II. Ad B.V.M.

O Virgo beatissima, & Mater Domini mei benedicta, impetra mihi singularē erga Filium tuum Jesum in Eucharistia reconditum, pietatem & amorem; ut eum tantā complectar charitate, quanta tu eum in ulnis tenens complexa es.

III. Ad SS. SERAPHINOS.

O flagrantissimi amore, ignique Divino proximi Seraphini, vos singulari fervore & effervescentiā ardetis; ac facultate alios purgandi, illuminandi & inflammandi polletis. Obsecro vos, me tepidum, ad divina mysteria properantem, ita succendite, ut aeterno amoris incendio, in hac communione intimè conjungi merear. Amen. S. Dionys. Areop. de cœlesti. Hierarchia. c. 7.

IV. Ad S. CHERUBINOS.

O Illuminatissimi, plenīq; cognitione, sapientia & oculis Cherubini! vos tanquam viciniū primæ veritati conjuncti, præ aliis, radio divini luminis relucetis; haustamque lucem ac sapientiam, sine invidia in inferiora transfunditis. Illustrate me, obsecro, & discussis tenebris, ita

cœlestis sapientię radiis illuminate, ut di-
vina, quæ tractabo mysteria, profundū
intelligam, & tractem sanctius. Amen. l.c.

V. Ad SS. THRONOS.

O sublimissimi, excelsissimiq; Throni,
prope Deum, velut sedes prope sedentem
constituti, in quibus quodammodo Deus
residet, & judicia sua decernit. Vos à ter-
rena vilitate secreti, summo Bono immo-
biliter inhæretis, divinūmque adventum
suscipitis, virtutēmq; supernè acceptam ad
inferiora derivatis. Obtestor vos, omnem
mihi ad terrena propensionem eximite,
mentem in Deo defigite, ut in hac sacra
communione, gratissimum Deo Thronum
exhibeam. Amen. l. c.

VI. Ad SS. DOMINATIONES.

O Dominationes sanctissimæ ! omni
abjecta servitute superiores, summiq; Do-
minationis Principii semper avidæ. Vos
absoluto & ab omni terrena vilitate libe-
ro transitu, ad superna tenditis. Vos nulla
tyrannide, aut cupiditate infectæ, ad Eum
qui verè est, totaliter convertimini, & sub-
dita ad genuinā Dei similitudinem, quoad
potestis, beneficè transformatis (l. c. c. 8.)

Prej

Precor vos humillimè, me jam jam ad Dominum dominantium suscipiendum festinantem, cupiditatum mearum Dominum efficite, ut ad Eum, qui verè est, totaliter conversus, Dominicæ Deiformitatis particeps evadere merear. Amen.

VII. Ad SS. VIRTUTES.

O Virtutes excellentissimè! inconcussum & forti virilitate in omnes actiones vestras redundante præditæ! Vos Prælatos Ecclesiæ docetis, vos miracula patratis, per vos virtus miracula patrandi perfectis conceditur. Vos superessentiali virtutem constanter intuentes, ejusdem simulacra effectæ, ad eum validè convertimini, & virtutem in inferiora deiformiter transfunditis. Rogo vos demississimè; induite me virtute ex alto, & ad Dominum virtutum in Sacramento mox suscipiendum rite disponite, ut charitatis & virtutum miracula patrare merear. Amen.

VIII. Ad SS. POTESTATES.

O potestates invictissimæ! potentię vestre viribus nequaquam, tyrannicè abutentes, sed animo invicto ad Deum vos ipsas dirigentes, aliosq; ad idem promoventes.

Vos potestates adversarias compescitis
Vos athletas spirituales confirmatis, An-
gelosq; inferiores divinæ potentiaz confot-
matis. Quæso vos ardètissimè, à me adver-
sarias potestates repellite, ad Deo animo
invicto inhærendum me disponite, in pur-
gna spirituali me animate, ut reportatâ vi-
ctoria æternū vobiscū triumphem, Amen.

IX. Ad SS. PRINCIPATUS.

O Principatus serenissimi ! gubernandi
potestate prædicti , ad superprincipalem
Principatum totaliter conversi , aliósque
inferiores ad eum convertentes. Vos An-
gelis subditis præstis, atq; ad ministerium
divinum explendum disponitis. Vos Re-
gnis & Gentibus præsidetis. Vos subditos
ad obedientiam , Regentes ad justitiam fa-
ciendam inducitis. Obtestor vos instantis-
simè, me jam jam ad aram accessurum, ad
Deum convertite , ad obedientiam &
justitiam exercendam disponite, omnésq;
mundi Principatus & regna ad veram fi-
dem , cognitionem & amorem Dei pro-
movete. Amen. S. Dionys. l. c. c. 9. &
S. Gregor.

X. Ad SS. ARCHANGELOS.

O Archangeli magnificentissimi! summi
Divinæ majestatis Nuntii! Vos propheta-
tias revelatis! Vos illuminationes à supe-
rioribus acceptas, Angelis inferioribus an-
nuntiatis, & per eosdem nobis præcipua fi-
dei mysteria patefacitis. Ecce ego ad sum-
mum fidei mysterium celebrandum me
accingo: obsecro igitur vos, occulta sa-
pientiæ divinæ mihi manifestate, mentem
illuminate, Dæmones removete, ut sum-
mâ fide, devotione, pace & charitate, altissi-
ma hæc mysteria peragam. Amen

XI. Ad SS. ANGELOS.

O illustrissimi, pulcherrimiq; Angeli,
in cœlesti dispositione ultimi, & homini-
bus magis propinqui. Vos minora nobis
annuntiatis; vos homines ad cognitionem
& amorem Dei ducitis. Vos sursum per
dilectionem Dei extendimini; & deorsum
ad custodiam & auxilium nostrum pro-
gredimini. O intelligentiæ nobilissimæ;
per inspirationes internas voluntatem di-
vinam in dubiis nobis annuntiate; ad Dei
majorem cognitionem & amorem perdu-
cite; Nos stantes, ne cadamus tenete; ca-
den-

dentes ut surgamus, elevate; nec unquam nos, etiam peccantes deserite, sed semper maximè ad divina accedentibus, opem paratam ferte, ad gloriam unius Domini Dei nostri & vestri, Amen.

XII. Ad omnes SANCTOS.

O Pretiosissimæ ac beatissimæ Sanctorum & Sanctorum cum Christo jam in cœlo regnantium animæ! En ad Regem vestrum ac meum suscipiendum proprio, sed vestro ornatu & virtutibus destitutum me agnosco & profiteor. Obsecro igitur vos per amorem Jesu, tantam mihi pietatem, devotionem, fervorem, desiderium, charitatem, ac virtutum omnium abundantiam impetrare; quantam vos in mortali vita habuistis, dum epulo divino resceremini: ut Dominum Deum nostrum, cum summa ejus voluptate suscipere merear. Amen.

O Patriarchæ sanctissimi, impetrare mihi vivam fidem! **O** Prophetæ clarissimi impetrare mihi firmam spem in Deum & fiduciam! **O** Apostoli ardentissimi, impetrare mihi vehementem charitatem Dei & proximi! **O** Martyres fortissimi, impetrare

trate mihi invictam patientiam ! ô Pontifices zelosissimi impetrare mihi indefessum zelum animarum ! ô Doctores illuminatissimi, impetrare mihi cœlestem sapientiam ! ô Confessores ferventissimi impetrare mihi verum orationis & mortificationis spiritum ! O Cœnobitæ obedientissimi, impetrare mihi exactam observantiam disciplinæ ! O Anachoretæ devotissimi , impetrare mihi studium recollectionis & silentii ! O Virginis purissimæ , impetrare mihi donū castitatis angelicæ ! O Viduæ piissimæ, impetrare mihi profundam animi demissiōnem ! O Conjuges fidelissimi impetrare mihi concordiam & pacem ! O Pœnitentes olim dolore plenissimi, impetrare mihi veram contritionem & fructus dignos pœnitentiæ ! O Innocentes candidissimi impetrare mihi candidam simplicitatem & sinceritatem ! ut hisce virtutum vestrum cimeliis exornatus, dignior ad sacram synaxin accedere , in ea Jesu meo frui , & intimè eidem uniri merear. Per eundem

Christum Dominum nostrum.

Amen.

Im-

Immediatè ante Communionem.

Post dicta verba : *Corpus Domini nostri IESU Christi*. Si sacerdos sis, aliquantulum subsiste, ut faciebant S. Ignatius, S. Xaverius, S. Philippus Neri, C. Bellarminus, P. Claudio Aquaviva, Suarez, Georgius de Valentia, & multi alii viri valde sancti ac docti; neq; hoc vetatur rubricis. Et sequentes affectus elice. Humilitatis, Fidei, Spei, Charitatis, Contritionis, Dilectionis inimicorum, amoris crucis, renuntiationis & adorationis, quibus elicitis cum Salvatore tuo intimè, sacram sumens hostiam, conjungere.

Post SACRUM vel COMMUNIONEM.

Monitum I. Ne ante consumptas species, abeas: est enim, ut monet S. Theresia, æquè inurbanum, ac si Christo domū nostrā ingresso, ipsi mox abeamus.

Monitum II. S. Magdalena de Pazzis: Non esse efficacius medium ad acquirendam veram perfectionem, hoc S. Sacramento; & si hoc bono, ait, ut sciretis, paucis diebus repleremini cœlesti amore. In vita
c.65. *Post*

Monitum III. P. Balthasaris Alvarez c.

6. vitæ. Magni semper faciat, tempus quo
communicat, quo divina majestas cum
ipso manserit, attendat ne vel momentum
amittat tam felicis temporis.

Monitum IV. Proinde saltem medium
horulam recollectioni tribuat. S. Pater no-
ster duas horas contemplationi dabat. P.
Lessius horam, alii non minus.

Mox à Communione, elice hos actus.
1. Adorationis. 2. Gratiarum actio-
nis. 3. Oblationis. 4. Humilitatis, Peti-
tionis, aliōsq; quos devotio suggeret, non
secus ac cuiquam Principi aut Monarchæ
domum tuam ingresso, similes affectus ex-
hiberes. Et quoniam pauperem & mendi-
cum agere cœpisti, spiritualem mendica-
tionem, cœlestis Hierosolymæ plateas
obeundo, continua.

Ad DEUM.

Omnipotens sempiterne Deus, rogo
divinam Majestatem tuam, per uni-
genitum Filium tuum, quem modo susce-
pi, ut hanc communionem, hoc sacrum,
has oblationes in odorem suavitatis acce-
ptare digneris, atque effundere in nos &
omnia

omnia nostra omnem benedictionem cœlestem, in mensura bona, conferta, & coagitata, & supereffluente, præsertim hæc benedictio derivetur in hęc NN. deinde in defunctorum animas NN. deniq; in Ecclesiæ, Patrię, Societatis & Provinciæ nostræ necessitates.

Ad B. V. Mariam.

Aspice benignissima Virgo, Jesum, dilectissimum Filium tuum, quem purissimis visceribus concipere, & studiosissimis obsequiis prosequi meruisti; & impetra mihi, ut eundem Filium tuum in communione, semper purissimo corde recipere, & ferventissimè eum amare merear.

Ad SS. Angelos.

Aspicite ministri Altissimi, facientes verbum ejus, primogenitum Patris æterni, quem introeuntem in orbem terrarum, jussu Patris, adorastis; & facite me illi eo Spiritu servire, quo vos eidem servivistis in terris, & nunc servitis in cœlis.

Ad SS. Patriarchas & Prophetas.

Aspicite cœlestes Nuntii, consciī mirabilium secretorum, promissum ab initio, mundi redemptorem, tantopere à vobis de-

desideratum & exspectatum : & facite me
totis viribus & affectibus cordis, ad ipsum
anhelare , & ad dilectum meum diu no-
tumque suspirare.

Ad SS. Apostolos.

Aspicite Evangelii præcones clarissimi,
dilectissimum Magistrum vestrum, quem
toto corde tam ardenter amatiss, & facite
me eundem super omnia intimis cordis
medullis ferventer diligere.

Ad SS. Martyres.

Aspicite Testes fidei fortissimi , Chri-
stum crucifixum pro cuius amore sanguinem
vestrum , adeo libenter fudistis , &
facite me ejus amore, inter cruces & mo-
lestias generosè vivere , & promptè pro
eo sanguinem profundere.

Ad SS. Confessores Pontifices.

Aspicite Pastores gregis Dominici, A-
gnum immaculatum , quem vos in altari
sacro, omnipotenti Deo toties immolastis
in odorem suavitatis. Et facite me eun-
dem Deo dignè offerre, ac me illi per ope-
ra sancta perpetuò in odorem suavitatis
immolare.

Ad

Ad SS. Confessores Religiosos.

Aspicite servi fideles Domini mei dulcem & dilectum Dominum vestrum; cuius amore omnia Mundi oblectamenta reliquistis. Et facite me pro ejusdem amore, in hoc statu pauperculo usque ad mortem perseverare, & ad magnæ sanitatis gradum pertingere.

Ad Beatos Societatis nostra.

Aspicite, Fratres charissimi, Ducem vestrum, cui vos in hac vita, verbo & exemplo tantopere conformastis: & facite me, atque omnes Fratres nostros, adhuc in Ecclesia militantes, copiosam animarum prædam, absque detrimento professionis nostræ reportare, & auctos optimis operariis ad hanc vineam vocatis, cum grandibus meritorum manipulis ad vestram & Ducis nostri Societatem pervenire.

Ad SS. Virgines.

Aspicite Sponsæ Agni immaculati, dilectum vestrum, cui virginitatem vestram, tantâ cum exultatione conservastis: & facite me semper oculis dilecti mei & vestri mundum apparere, & purum ab omni labore peccati & poenæ obligatione ex hac vita, rectâ ad cœlum emigrare.

Ad

Aspicite, Amici Dei charissimi Magistrum & præmium vestræ sanctitatis; cui in hac vita unicè placere desiderastis: & facite me in via perfectionis, nunquam subsistere; sed magnis passibus in vera, & spiritui Societatis conformi sanctitate semper procedere. *Conclude, cum petitone benedictionis.*

P R A X I S

Faciendi memento.

Ante vel post sacrum aut communionem more R. P. Alberti Mentzinsi Poloni postea Japoniæ Martyris.

Ego Domine, sequendo consilium Jesu, qui dixit: *Rogate ergo Dominum messis, ut mittat operarios in messem suam.* Lucæ 10. Te rogo cum instantia Domine.

I. Pater, vide regiones, quæ albæ sunt ad messem. Aspice Deus animæ meæ, oculis misericordię tuę, & compatere omnibus Sinensibus, Japonibus, Indis orientalibus & occidentalibus, ac toti gentilitati, ut cognoscant te Deum verum & vivum, & quem misisti Jesum Christum. Mitte ergo operarios in messem tuam.